

07/05/1997

Pembangunan perlu seimbang

Gempa PKPIM

MELIHAT pertumbuhan ekonomi yang begitu pesat, Malaysia kini adalah salah satu negara yang maju di rantau ini. Namun demikian ketidakseimbangan antara aspek sosial dan ekonomi amat membimbangkan.

Ketidakseimbangan sosial dan ekonomi ini membawa kesan buruk terhadap perkembangan sosiobudaya.

Persatuan Kebangsaan Pelajar Islam Malaysia (PKPIM) bersetuju terhadap apa yang disampaikan oleh Perdana Menteri Datu Seri Dr Mahathir Mohamad dalam ucapan beliau pada perasmian Kongres Kebangsaan Wawasan 2020 melangkah ke hadapan.

Tegas beliau dalam menjadi negara maju kita tidak harus tertumpu kepada aspek ekonomi semata-mata.

Pembangunan sosial yang menjadi satu daripada agenda Wawasan 2020 adalah perkara penting dalam menjana masyarakat budaya tinggi yang sifar daripada sifat individualistik.

Kenyataan Perdana Menteri itu perlu diberi perhatian supaya masalah sosial yang melanda generasi pewaris kita dapat ditangani segera.